

述懷

慧刀磨快劈迷蒙剉碎家緣割已空  
火焰高焚端子午水源深  
洪潤西東上中下正開心月精氣神全得祖風既見舊時親面  
目更無今日假英雄五重玉戶光生彩一粒金丹色變紅自在  
真人歸岳頂手攜芝草步蓮宮

茶言湯語是風哥芝草閑談果若何不可人前誇了了須知物  
外笑呵呵赤龍攪海添離水紫焰安爐養坎河木馬還能從水  
虎金翁須是娶黃婆汞鉛巨昔交加作兒女今朝嬰姪多坐客  
同歸迴首度教君也得出高坡

和傅長老分茶

道藏輯要

重陽全真集

七

上胃集

坐間總是神仙客天上靈芝今日得採時惟我識根源碾處無  
人知品格塵散瓊瑤分外香湯澆雪浪於中白清懷不論死生  
分爽氣每嫌天地窄七椀道情通舊因一傳禪味開心特蕩滌  
方虛寂靜真從茲更沒凡塵隔

和玉長老古調

慧觀緣空絕昇沈瑞氣香裏開遙岑此地常過三山客往來相  
隨九臯禽重樓清冷灑甘雨洗滌自沒凡塵侵神水撞透紫金  
窟瑩瑩寶洞尤邃深洞前古柏青且綠狀若月中蟾部林樹下  
問祖西來意口不言答提裙襟既已彼此總明了定中達達那  
搜尋無身無爲亦無漏勿論實腹並虛心教君一通曉這箇八